

Алекесандр Лаптев

Синмаськымон эше

Верос

Денисэн ми воксё пичи дырысенымы ик ини матысь эшъёс. Артэ ульськомы уго. Соин ик котьку ёош шудйськомы. Керетылэммы гинэ но ноку ёвёл. Табере школае но ёош ветлийськомы, одйг парта сёрын пукиськомы. Жуждаламы но милям огвыллемгес. Денислэсь мон ёжытак бадзым бере, кык сантиметрлы-мар ортчиськем эшме. Берлозэ школаямы туэ мертаськымы вал. Нош вылтусын ми ог-огмылэсь зол висьяськиськом. Денислэн синъёсыз лызэсь. Нэнэзлэн сузэрез выжые мынэм со озы. Тодыкысьем. Мынякуз бамъёсаз гопъёс кылдо.

Мынам йырсие, нэнэлэн верамезъя, суд. Бабылес но. Вордйськемез бере ыжпи, пе, сыёегес луэ. Соин йырин песае туж лякыт дыръёсаз, шорам шуныт учкыса но пальпотыса, «пыгылие тон мынам, муспотон пиёке» шуылэ. Собере тыбырам топ-топ веша.

Одйг пол, милемлы шуыса, анай-атайёсмы нылпиос понна потйсь газетлы гожтйськызы. Мар сярись но уг гожъяло вылэм отчы пинальёс! Веросъёссы, кылбуръёссы, суредъёссы, йыртйяньёссы, серемес чуръёссы, гожтэтъёсысьтызы вакчиесь чуръёссы гинэ но печатласько. Мон ваньзэ сямен ужъёсты сак учкыса потйсько, лыдзйсько.

Огнуналэ яратоно газетным тодматскыны кутски но Денислэсь кылбурзэ синйылтй. Мон воксё бакоми! Ма, кызы озы? Кылбурамзэ татчыозь ноку ой шодылы вал! Ачиз но сыёе быгатонлыкес сярись ноку пал кыл но ёз поттылы. Гм, «Узы», пе. Ныль чурен. Берло тодй: тямь чурись ныльзэ гинэ кельтйлям вылэм. Ма, ёок! Со понна эшелэн гожтэмез улэ нимтулзэ пусйиллям: Денис Борисов! Гурт нимыз но, ёросэз но тйни вань.

Мон газет лыдзёнме ик жыныё кельтй. Йырам малпанъёс вожомыса лыктыны ёдызы. «Эшелэн ужъёсыз газетын печатласькозы, нош мынам ке уз? Быгатонлыкёсы а, мар а солэсь кулэс? Ёвёл! Ай тани возматое асме кылбуран удысын ик! Бадзым классъёсысь гожъяськисьёслэн кадъ усто веросэным но паймыто!» Пумен аслэсьтым ачим юасько: «Нош мар бордысен меда кутсконо? Оло, Денис сяменгес, борыамъёсме тодам ваёно? Яке эмезяны ветлэмъёсмес вакчиесь чуръёсын кисьтоно?» Ой, огез борды но ой басйтйськы. Моёе таки ёз сузы. Бичаськыны мон уг яратйськы. Тырйськон мае ке одно ик емышен тырмытыны кулэ. Выронэз укыр жег. Со интые, ёжыт борыез я эмезез ымад куялод.

Жок сёрын озы малпаськыса пуконъям, шуак тодам лыктйзы пуные но писее. «О, тйни кинъёс сярись гожтоно! Газет бамысь ёем адзод пинальёслэсь пунызэс-писэйзэс яратэмзы сярись гожъямъёссыс. Мон но асьмелэсьсэ яратйсько. Котькудзы пумысен кёня ке чур кылбураса утчало ай».

Гожтэтме со нуналаз ик келяй. Арня но, кык но ортче, толэзь но, нош кылбурёсме уг потто. Отйяз но өз печатлалэ. Көты номыртэм жож луиз. Кытчы пырыны инты уг шедьтйськы ни. Сюлмам вожъяськон улэмен, эшеным но шудэмысь дугдй. Нош классысьтымы но покчиослы школаысьтымы тросэз нылъёс-пиос сое но кычё серекъятэк «кылбурчи» шуыны кутскемзы бере, мылкыды воксё но куашказ.

Огнуналэ урокёс вискин купырес ныро Лида интыысьтыз султйз, ваньмес учёртйз но шуэ:

- 23-тй февралез 8-тй мартэн огазеяса, анай-атайёсмылы концерт пуктыны турттйськом. Олле Денисэз та праздниклы кылбур гожтыны куrom!

Таёе чектон быдэс класслы витъымтэ шорысь луиз, лэся. Огшапсэ ми чалмыт улймы. Нош мынам сюлэмам вожпотонэ бугыртйськиз: «Котькытчы бон со синазькыль нырзэ чуртналоз!»

Тйни соку зырымесь Толик ымзэ усьтйз на:

- Гожты, Денис, гожты! Анайёсмылы но, атайёсмылы но - котькудзылы нимаз, ява!

Таиз но кулэтэмаз донгиськыны яратэ! Ачиз ке, школае ветлыны кутскемез бере но ай, вунэтыса оломар зырымзэ суйпосаз кема дыр чөже чүшылйз на. «Уть, кычё золтэм писэйлэн быдэзесь вож синъёссэ!» - пöseкъяса, ырзёлытэк пукисько интыям.

Собере кожей куко Ада ми пала берытскиз но Денислы вера:

Кылбурёстэ кыксэ ик ачид сцена вылын лыдзод! «Коть тон шыпыт ул-а, мар-а вал!» чиль-сьод йырсиё, чиган порма нылашлы пумитьяськись малпанэ утыр чилектйз. Ачиз ик урокёс бере кылылэ, доре сётэм ужёссэ лэсьтылыны вунэтэ, янгышъёсын гожъяське. Юмоке но сюрылэ. Огполаз доска дорысен штанзэ но сучырмытьяз ни. «Чукназэ трос чай юи», дышетйсьмылы янгыш тусын вераз соку.

Отйяз шөдтэк шорысь куаразэ поттйз Ондй. Паймымон! Кытйяз солэсь пал кылзэ но кыскыны уд быгаты. Татын ке шуак мылкыдзэ усьтйз.

- Денис гинэ шат анай-атайёсмес кылбурёсыныз зечкылалоз? Асьтэос но ук, куиньнады ик, концерт азын учкытэк вераны котьку кылбур дышетйськоды вал.

«Вот таиз шонер!» - лөптй мон соку ик.

Ондй гуртмылэн мукет урамаз, нюк сопалан, улэ. Соин мынам ноку



шудылэме өвөл. Солэн отын аслаз эшъёсыз трос.

Юлтошмылэн, ява, йырсиез гинэ чыжыт өвөл, синлысьёсыз но гордалэсесь. Эшшо ке ымнырыз но суйпосэз пужыен норемын. Копак атаез выжые мынэм. Монэ но Денисэз, школае ветлэммылэсь азылогес ай, серемпыр весь исалля вал: «Чырыпыры пинальёс, шанга вылэз бичасьёс!» Озы дауртэмъёсыз понна милям солы туж вожмы потылйз.

- Дышетом, дышетом! Астэ но тани дышетыны косом! - Ондйлэн пумитаз Томик соку ик тур-пар вераз. Озы сачкытон висказ со гижыоссэ, оло, писэй сямси шеръяз. Ма, адымиед ас котыраз пиосты уг ик лэзья. Синъёссэ маке быдза

усьтэ ио шонаськыны кутске, милемыз чабъяны туртэменыз курдатъя. Соин ик та нылашез ми «жабырна Томик» шуиськом.

- Тон ачид соглаш-а, анай-атайёемес праздникенызы жечкыласа, кылбуръёс гожтыны? - азыветлйсь сямзэ поттыса, табере Лида вазиськиз Денислы.

- Ойтö-öд... Оло пörмыто, оло уг ай... - востэмак шуиз вöзам пукись эше.

- Я, соку дышетйсенемы кенешоно, - вераса вуттйз гинэ но классысьтымы ваньмылэсь жужыт мугоро чупырес нылаш мон шоры воштйз синъёссэ. - Нош тон малы чалмыт улйськод? Денислэн кылбураны быгатэмезлы, оло, вожьяськиськод? Мар ке берло дыре воксё ас поннад кариськид.

«Вожъяськиськод, вожъяськиськод... Тон ачид вожъяськиськод!» - мон шуак гундьй. Лидалэн вöзам пукисе азын пырак шара верамезлы пумит ас поннам кыл бышкон гинэ кылиз на.

Одйг урок вискин гинэ соку нокыче малпанэ öм вуэ. Куспамы споръяськон улзем пумысен дышетйсьмы берло шуиз:

- Кылбур-верос гожъяны капчи öвöл. Та удислы жеч дышетскытэк, киез волятытэк, номыр уд пишмыты. Сыче дыръя пинальёс литературно-творческой кружоке ветло. Асьмелэн со уг ужа. Соин ик матэктйсь праздникёслы тупано кылбурёс книгаосысь утчано луоз.

Чапак соку Денислэсь табере ини суредзэ нылпи газетын печатлазы. Мынам сюлэм нёркак луиз: мон но суредаськыны яратйсько ук! Нош тазэ но ужме ярантэмен ке лыдъязы? Тодам лыктйз вожъяськыса улэме пумысен Лидалэн шöдйськемез. Кас мылдылэсь чутырак куштйськи но Денисэн жеч кусыпёсме выльысь берыктоно кариськи. Пырак дораз вамыштй.

Суредзэ солы мукет гуртысь школае баджым классэ ветлйсь апаез лэсьтыны юрттэм.

- Огшоры карандашен суредаськоно öвöл. Бездыт пöрмоз, - асме умойтэм воземе пумысен нокыче вожзэ поттытэк шуиз мыным эше. Яркыт буюльёстэ эн жаля. Собере суредэдлэсь дурьöссэ векчи сёд гожен котыръя на. Быдэстэм ужд альбом кагаз вылын чот-чот лэйтэмын мед луоз.

- Тетрадь бам вылэ уг яра шат суредаськыны? - паймыса юасько Денислэсь.

- Уг. Тетрадь гожёс газетэ потйзы ке, ужд чебер уз аджиськы. Содэ уз но печатлалэ. Эшшо ке векчи кагаз вылын суредэд но суп-сап пöрмоз.

Мон лобатыса дорам берытски. Кöня ке курадземе бере, чюказеяз, суредэ пишмиз. Укно дурысьтым сяськаяськыны кутскем будосэз кагаз вылэ пуктыны тодам лыктйз. Отын ик ужме газетэ чаляк лэзи.

Трос ик дыр öз ортчы, сое печатлазы! Воксё лöптй. Нош быдэсак öй буйга: кытын ке пушкам, пыдлояз, вожъяськон пычей весь бугыръяське. Кылбурме öз печатлалэ ук! Суредме но школаын аджиллянтэ, оло: нокин номыр öз куареты. Озыен, Денислэсь бере кылисько! Табере мар кароно? Газетэз эшшо сакгес лыдзыны öдъяй. Пичиесь иворёс но гожъяны луэ шуыса тодй отысь. Заметкаос, пе, со.

Чапак соку конкурс ялйзы. Кылбурёс но, суредёс но, заметкаос но, вакчесь веросьёс но лэзыны, пе, луэ. Сйзёно, пе, соосты дышетсконмылы но дышетскон вискамы кызы шуэтскеммылы.

Мон малпаськонэ уси. Собере, азыл сямен ик, номыр кыл-куара поттылытэк, ас поннам кöня ке заметкаос чаляк гинэ гожтэм кари. Таяз учыре быгатонлыкеным эшёсме умой-умой паймытыны малпай ни. Дышетйсьмы но монэ классмы азын макталоз кожай. Нош ужёсы пöлысь огзэ но öз печатлалэ! Вожъяськонэ выльысь бугыртйськиз!

Озы ас кожам кариськон куспын анай-атайёсмес школаысь сцена вылын жечкылан нунал но вуиз. Концертэ быдэсак школамы пыриськиз. Ныльёсын-пиосын чöш монэ но кырзаны косйзы. Классысьтымы Лида,

Томик но Ада кылбур лыдзизы. Ондй сценкаын маскара ролез шудйз.
Концерт бере Лида дорам матэктйз но шуэ:

- Нылпи газетын конкурс ялэмзы пумысен лыдзид, дыр. Анай-атайёсмес жечкыламмы сярись гожты ай. Таиз ужрадмы солэн куронтьёсызлы чапак тупа. Умой-умой малпаськид ке, тынэсьтыд но заметкадэ поттозы. Весь-а табере озы жожьяськыса ас поннад улуд?

Таяз учыре урокёс бере дорам көня ке нуналзэ жок сёры пуксьылытэк ойлась. Отйяз гинэ ини ужме, умой-умой вуттыса, конкурсэ лэзи.

Трос ик дыр өз ортчы, заметкае печатласькиз. Газет бамын со мыным маке быдза кадь йөтйз. Улйяз нимтулме пуктыллям: Алексей Кузнецов. Гуртме но, ёросме но пусйиллям. Синьёсылы оскытэк, выльысь но выльысь лыдзисько волятыса дасям чурьёсты. Мылкыды табере сизыметй инбаме вуиз! Конкурсэ эшшо көня ке заметкаос ыстй на. Ваньзэ, ява, печатлазы! Нош отчы мон выллем гожьяськисьёс трос вылйллям. Покчиос гинэ өвёл. Бадзым классёсын дышетскисьёс но аспөртэм чошатсконьёсы мыло-кыдо пыриськызы.

Тани йылпумьяньёс но лэсьтйзы. Мыным куинетй инты сөтйллям! Воксё бакоми. Шумпотэменым мар карыны уг ни валаськы. Вылаз ик, vormисе потэме понна газетысь книга лэзизы на.

Быдэс школаысь пинальёс но, дышетйсьёс но, классысьтымы эшгёсы но бадзым вормонэным жечкылазы. Табере мон пинал иворчи луи. Озы гожтйллям редакции ужасьёс нылпи газетлэн бамаз но, ыстэм книга пушказы но.

Та нуналэ ик, урокёс кутскон азын, азыпалам пукись Лида, палам берытскыса, пурисьпырьем синкашгёссэ лобак жутйз но шуиз:

- Тыршиськод ке, пөрмытйськод вылэм. Табере чошеннады чошатскыса гожьяськоды ини.

Со озы пусьем бере, вёзам пуксись эше азын янгышме табере жеч-жеч валай. Ачим ке Денис шоры кызы вазыны, сөриськем кусыпмес тупатыны уг валаськы.

Нош жожьяськонэз ноку тодылйсьтэм мурт ранецысьтыз ручкаен бадзым блокнот поттйз но мыным пальпотыса вера:

- Мон но тонэ конкурсын vormисьёс пöлы сюременыд жечкылаьско. Табере тон умой-умой гожьяськись луид. Заметкаосыд котьку но мед пөрмозы!

- Тау кузымедлы! Туж бадзым тау! Мукет школаысь витетй классэ ке мынйм, асьмсос литературно-творческой кружоке чошен ветлом, ява. Кыкнамы ик мыло-кыдо гожьяськом, отысь пинальёсты паймытьялом.

- Гожьяськон монэ ас бордаз сокем уг кыскы. «Узы» кылбуре олокызы шудон сямен гинэ пөрмиз вал. Мон, атае кадь, тйрен ужась но дуриськись луыны малпасько, нод-нод шуиз Денис.

Эшелэн сыче мылкыдызлы туж ик öй паймы. Атаезлэн кыыз, зэмзэ но, котьмалы мынэ. Денис но, атаез юрттэмья, пулэсь олокыче но арбериос

пөрмытъя. Али тани тулыс вуэ ни. Озыен, нош ик шырчик уморто лэсьтоз.

«Тйни кин сярысь нылпиослы газетэ гожтоно табере!» - йырам малпан чилектйз. Заметкае син шоры йöтымон мед луоз. Быдэс шаермы мед тодоз кибашлы пияш сярысь. Виль ужме мон «Синмаськымон эше» шуыса нимало.

